



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDCXXVI.

urn:nbn:de:hbz:466:1-42840

*Quem dum presens experitur, Cor, & pectus aperitur:
Ægrotat ardens animus.*

*Anagrā-
mata Ma-
riana.*

704 Per hosce annos Tyrnauiz Patres Adamus Hollouitius, & Ioannes sednik iunctis vnâ pij ingenij viribus, attemperatè planè ad pietatem & ingenium paruulorum, cum noui præfecti Sodalitatis clauum capefferent, & sæpè alias, de B. Virgine varia in scenam dedere. Plausum habuere inter cætera etiam Anagrammatismi MARIANI; quando singulorum paruulorum frontes character vnus aureus occupabat in hanc v.g. sententiam: MARIA VIRGO; vel aliam. Tum paruuli variâ & piâ iocatione, artificiosâ concursatione, ac loci permutatione, aliam ex alia sententiam vario ac iucundo anagrammate faciebant: e. g. quale esset illud: AMOR RIGAVI. &c, Hæc vt vt sint tenuia, dulces tamen scintillæ sunt inflammandis eâ illecebrâ mentibus paruulorum.

*5. Augusti
S. 4.*

*In hymno
vet.*

705 Georgius Coluenerius Duaci Præpositus, & cleri decus, in erudito illo suo Kalendario B. Virginis; iuxta Valencianas, inquit, in nemore Ducis Arschotani, per Valentianenses Societatis IESV discipulos ad Quercum affixa imago lutea B. MARIA Foyensis, quam *Bene Spei Dominam* appellarunt, cœpit paulò post clarere miraculis, de quibus extat libellus. Hæc ille. Hæc est illa spes, cui Ioseph Hermannus: *Gaude, mea Procuratrix, Peccatorum excusatrix; Gaude, Mundi clara dies, Cordis mei grata quies; Te mihi da in præmium.*

ANNO MDCXXVI.

706 P. Didacus Diaz Vallisoleti Mexicanorum, cum hominem, cui confessionem persuaserat, confitentem audiret, vidit illum violento impetu, è loco sacri tribunalis auelli. Ergò detractam quam è col-

collo gestabat *Marianam* coronam, hominis collo iniecit: & hoc *Marianæ* tutelæ ingenio dæmonis vires infractæ sunt: ipse verò ab eius vi assertum, in libertatem hominem expiavit; ingens profectò tam parvæ operæ pretium in corona B.V. è collo gestanda. S. *Bonaventura* B. Virginem sic salutat: *Aue porta libertatis, Aula Sanctæ Trinitatis, Et solenne Dei templum, Salus orbis & exemplum.*

Coronã B. V. è collo gestare.

in Psalt. minore

707 *P. Antonius Sucquet* ad perpetuam B.V. memoriam præ oculis habendam, tam domi quàm ferè foris, cum inambularet, coronam B. Virginis præ manibus gestabat. Quoties *Mechliniam* ibat, ante omnia B. Virginem à miraculis, quæ istic in venerarione est, pedes adibat; postea se ad Collegium recipiebat. Fium illum *de via vite æternæ* librum cum edidit, singulis B. Virginis templis vnum dono dedit; ut in Sacristia ministri Virginis otium quo aliquando abundant benè legendo impenderent. Multa istic de praxibus colendi B. Virginem. *P. Iacobus Pontanus* edidit *Parthenometrica*, id est preces, meditationes, laudes B. Virginis. item librum, cui titulum fecit: *MARIAM verè esse Matrem nostram.*

ob. 1626. 15. Febr.

Artes colendi B. V. docere. Vid. l. 3. c. 19.

ob 1626.

708 *P. Didacus Martinez* triplici quotidie tributo deuovebat suum caput cælesti Matri. Primum erat; orationis hora vna statim atque de lecto surgebat: deinde trecenti, vel quadringenti actus glorificationis, benedictionis, adorationis, & gratiarum actionis, quos exercebat pro donis & privilegijs à Deo in Beatissimam Virginum, & Matrum omnium Reginam collatis: Angelos etiam ad idem inuitabat: idque faciebat veluti diuina patiens: *Si, aiebat, solus ego omnes omnium vitas haberem, omnes omninò tuæ diuinæ Matris obsequijs addicerem,*

ob in Ferrusana. 1626.

Orãdi assiduitate illã colere

Iaculato-
rijs aspira-
tionibus
ad eam
aspirare.

Optare a-
mare Deū
ut illa .

Corona
B.V.

Pf 144.

Vltimo an-
ni die illā
colere.

Nier. A-
scetic.
pag. 109.
Illam etiā
per alios
reuereri.

dicerem, Deus. *Vtinam una vita mea omnes omnium calitum virtutes atque annos, & momenta complecteretur; cuperem omnes perfectissimo, ardentissimo, infatigabili Dei Matris amori totas impendere; ita ut illam ipsi amant. Desidero toto corde, ut omnia regna, prouincie, populi, mortales omnes, cognoscant, ament, seruiant, laudent MARIAM eo modo quo Calites omnes id faciunt, Vellem ei à me fuisse seruitum à primo rationis usu hucusque ea puritate & sanctimonia, qua illi seruit S. Ioannes Baptista &c. omnes. Opto viuere, & fuso sanguine emori ab amorem & reuerentiam Matris Dei. Et opto, ut id mihi fiat, fiat. Desidero te, Domine, ita amare; sicut te amauit, & amat Beatissima Virgo. Desidero ut sim martyr honoris Beatissimæ V. Matris Domini mei Iesu Christi.*

709 Eundem P. Martinium id petentem edocuit Dominus modum piè recitandi coronam B. Virginis, festis potissimum eiusdem; quibus ille diebus coronæ illi horam integram impendebat, eamque tam citò præteruolasse experiebatur, ut coronæ absoluendæ haud quaquam suffecerit. S. Bonauentura: *Qui cogitat de illa in tranquillitate mentis, iuueniet dulcorem, & requiem pacis.*

710 Idem P. Martinus vltimo anni die quotidianas totius anni rationes sui spiritus adnotans, ita scribit: *Sit benedicta SSS. Trinitas vnus Deus; & benedicta sit Domina mea Regina Angelorum; cuius ope mihi concessit Deus, ut hoc anno perficerem quicquid initio illius constitueram. Actus diuini Amoris, laudes quibus Deum volo glorificare, tributum quod B. Virgini MARIE pendo. non tam ego quàm Deus totum in me egit.*

711 Idem, præter varios illam colendi modos (quos nouendialia, & octauaria vocant) cum sibi ad.

adhuc facere satis hand posset, quarebat alios quo-
que viros religiosos ac pios, qui MARIAE singulare
quodpiam obsequium suo nomine exhiberent. Ex
eo capite optabat Societatem vniuersam, ac se-
ipsum caelesti Deiparae praesidio regi: & credidit se
diuinitus certiore factum, ac citra dubitationem
compotem voti esse. S. Bonauent. *Ecce nunc inun-
dante ubertate declinabit in vos ad consolandum, & la-
tificandum corda vestra.*

Pf. 143.

712 Idem B. V. corollam recitans, ad minora
eius grana dicebat: *Domine Iesu Christe, concedat
mibi maiestas tua bonam mortem per sanctissimam mor-
tem tuam. Ad maiora vero sic: MARIA Mater gra-
tia, Mater misericordiae &c.* S. Bonauent. *Respiremus
ad illam in finitione nostra: & reserabit nobis atria
triumphantium.*

Corollz
B. V. pro
morte.

Pf. 144.

713 P. Didacum Martinez, cum coronam B. Vir-
ginis recitaret, inuisens Deipara (vt est in impressa
eius vita Hispanicè) blandè allocuta est dicens:
*Quid vis, fili? me vocas? Hic ego tecum sum: pete
quod vis.* S. Bonauentura: *Iucundus homo qui non
fatiatur laude tuâ, & à relatu virtutum tuarum non
fatigatur.* Pf. III.

Orate.

714 P. Petrus Cottonus Laureti ad aram cum
esset, ab Angelo monitus fertur, vt suos quosdam
diuinæ Mariæ commendaret. Aliàs quidam Sacer-
dos, Petri comes, in itinere Lauretano, cum equi
lapsu miserè procubisset, repente sanus, dixit: vi-
sum sibi esse quasi hinc à B. Virgine, inde à P. Petro
Cottono erigeretur.

ob. 1626.
19. Mart.
Illam pro
alijs orare.

715 Antonius Romerus Coad. cum de sua salu-
te sollicitus, dubitaret an confirmationis Sacra-
mento munitus fuisset, à praesente sibi Deiparâ re-
creari sibi est visus, IESV paruulo crucem fronti il-

ob. 1626.
3. Dec.

*Serio age-
re rem sue
salutis.*

lius imprimente, ac spe salutis dulcissimâ illum
complente. Cùm verò de peccatis dolens, nunc
paruuli, nunc Matris opem posceret, lachrymabatur
suauissimè. Aliàs quoque vt id quod pro tenuita-
te virium facere posset in salutis negotio non omit-
teret, didicit quando ad IESVM & MARIAM tanquam
naui vectos, sibi paruo lintre visus est velle conten-
dere. Iamque sibi propè ab illis abesse videbatur,
cùm IESVS illum monuit, vt se beatissimæ Matri
confestim sisteret. S. Thomas ait; in Beatissima
Virgine tantum esse gratiæ quantum sufficiat ad salu-
tem omnium hominum. Nam in omni periculo potes
salutem obtinere ab ipsa Virgine gloriosa.

opusc. 4.

ob. 1626.

27. Oct.

Gandavi.

Industrijs

vti ad ei⁹

cultum.

716. P. Andreas Peuernage libellum edidit de
Immaculata Conceptione B. V. Instituit per plateas
Gandauenses in B. V. honorem supplicationes ce-
lebres, ac stationes, pro quibus distribuēbat libellos
de B. V. impresos. Ille omnibus, at illi B. Virgo
vires alacres suggerēbat. S. Iohannes Damasc. *Afful-
ge illuminatione tua mihi, qui desidia tenebrosâ obscuri-
tate occupatus sum: atque alacrem me fac. ad omnia.*

m. f. Sabb.

9de 5.

ob. Toleti.

1626.

717. P. Franciscus Portocarnerus edidit librum
de Descensione B. V. ad templum Toletanum. ad S. Ilde-
phonsum; cuius etiam vitam scripsit, & Patribus
Domus Professæ Toleti dedicauit, quippe qui ad eas
ipsas inhabitant, in quibus natus est Sanctus ille
Ildephonsus à B. Virgine tam mirè visitatus, vel sic
per Ildephonsum gratiam apud Virginem initari.

ob. 1626.

10. Nou.

Oculos

suos illi

dedicare.

718. P. Guilielmus de Pretere Deiparam ferebat
in oculis, quos illi ad eò dedicārat, vt nullā necessi-
tate perpelli potuerit, vt illos in fœminam vllam
defigeret; imò ne conijciebat quidē, si id posset.
Voti religione se obstrinxit, vt Deiparæ officium
quotidie recitaret. Tria eiusdem Sodalitia per an-
nos.

nos 20. accuratone omni rexit. Scripsit *Enchiridion* Sodalitatis B. V. *Disperge*, inquit S. Bonaventura, *gratiam tuam pauperibus tuis. In memoria aeterna sint per te nomina.*

719 P. *Alphonsus Cortes* cum suos scrupulos Beatissimæ Virgini enixè pro remedio commendaret, ab illa didicit; ut pro remedio obtinendo, erga animas quæ in purgatorio cruciantur esset magis pius. Petenti Alphonso; ecquo ipse in loco esset apud Filium & apud illam? Respondisse fertur illa: Bono illum loco esse: res benè habere: sed satageret, ut sua omnia maiore accuratone perficeret, ac expoliret. Eadem illi in hora mortis coram spectata dicitur eum incredibili cælestis voluptatis torrente perfudisse. Ita coram B. Virgine se accusabat S. Ioannes Damascenus: *Totam ignavè consumpsi ego infelicissimus vitam meam: & nunc consilij, auxiliique inops habeo, fixi iam propior. Erectio prostratorum es, o Domina.*

720 P. *Franciscus de Mendoza* scripsit, ut ait Marraccius in Biblioth. MAR. *de sanctitate, & patrocinio Beatissimæ Virginis.* In florido suo Viridario habet de Virgine Deipara decem problemata: inter quæ nonum est; *Vtrum B. Virginis cultorem in æternum damnari impossibile omninò sit.* Vide & quintum.

721 P. *Ioannes Falco* domi si quâ re indigeret, quam petere cogeret, Beatissimæ Virginis amore petebat id quod esset deterrimum sibi dari. Per iter iumento, veste, pallio spoliatus, & inter duos equos pendulus raptatus, tandemque dimissus, ad proximam arborem Litanias B. V. Lauretanæ elatâ voce piè ac hilarè cantavit, & gratias egit Deo per Virginem: quam etiam impensè rogavit, ut necessarium itineri suo iumentum iuberet restitui. Ad-

Pf. 3.

ob. 1626.
17. Nou.

Orare pro
animabus
purgatorij

Scrupuli.
Accurate
agere omnia.

m. f. fer. 4.
ode 8.

ob. 1626.
3. Junij
Lugduni.

ob. 1626.
Moguntia
14. Sept.
Mortif.
Patientia.

Per iter.

fuere mox prædones; & Ioanni inmentum, ac reliqua reddere; reliquis quæ deerant, postidie ad valuas templi repertis. S. Ioseph hymnographus, ad B. V. *Ab hominibus infestis, à demonibus malignis libera, & custodi me.* Hildesij graue periculum imminens præuidere visus, socium vt *Aue MARIA* recitare inuitauit: & ecce lapis prægrandis ex alto in medio illorum cecidit, utraque illæso.

28 Iunij
in Horologio
Græc.
Venijs
impresso.

Spē à Deo
per illam
petere.

Templa
Mariana
erigere.

ob. 1626.
11. Mart.
Mechlinie

m. f. Sabb.
d. vesp.
de 8.
ob. Hispali
1626.
1. Dec.

Gorda du-
ra illi cō-
mittere.

722 P. Antonius Andradius in literis apnuis 1626. Tibeto datis, ait Caparangue Vrbe Tibeti Regiā primam ædem sacram ædificari à Societate cœptam, Rege adnitente, ac primum in fundamenta lapidem iacente 11. Aprilis. Templi titulus est *B. Virginis de Spe.*

723 Balthasar van Surck Nouitiū morti proximus, optabat Nouitiū aliquem clarā voce corānam B. Virginis coram se recitare, cū ipse id non posset; vt audiendis salutationibus Angelicis extremum spiritum occuparet. S. Ioannes Damascenus: *Diuinis me irriguis reple, o Virgo, que fontem ipsum utero gestasti.*

724 P. Richardum Combaum in via deprehensum latrones arbori alligārant: sed ille mox absolutum se, liberumque inuenit, Beatissimæ Virginis, & Angeli tutelaris auxilio implorato.

ANNO MDCXXVII.

725 Obstinatis cordibus perdomandis ars à Deipara petenda est. Graudenti in Polonia hoc anno Scythæ cuidam baptismum persuadere quidam è Societate cū non posset, ei persuasit vt B. Virginis honori vnā secum semel Salutationem Angelicā recitaret, Præibat *Aue Maria* recitans. Pater, & Scythæ sequebatur; qui, quod mirere, mox ahimum obedienter ad ea quæ Pater suggerere.